

雪橋詩話三集

五

金瓶梅詞話卷三

雪橋詩話三集卷第五

遼陽楊鍾義撰集

吳興劉承幹參校

商寶意題西林相國戲彪圖云畫苑流傳識包鼎本朝
又得高鐵嶺西林相國能繼之寫出南山駭人景相國
游藝多能世罕知之者其詩如那知看劒客仍是讀書
人自以拙名宦羣言腐是儒一拙儔人內長貧達宦時
防身須似女學道莫如雌增年通物性味道識天親不
諳世事真名士解識人情豈小夫斬新大布縫裳暖依
舊殘書向火翻許身稷契談何易結習詩書道未周窺

天惟有閒堪放閱世方知事未諳垂老餘功惟補過多
生結習賸憐才國器半爲貧賤士棟材常起末微官楊
笠湖謂其介圭不飾而精神見止水無波而雲氣興誠
知言也張文和取其詠棗花句云林端暖愛初長日葉
底香憐最小花特詠物之工耳嘗云學問閱歷皆能治
世惟從學問中來者細從閱歷中來者麤此語每以之
入告天資英邁而敷歷中外日親書史晚抵淮安句云
兩船鎧火春寒夜有箇癡人坐檢書學孔先憂希顏獨
樂冷暖自知之處直接古人後此惟阿文成爲足並稱
尹文端之樂善近之而迎合南巡開山通河傷耗元氣

連嫺帝室遇事不能無所依違皆西林所不爲也

王鎮江某

好譚星算之術云所見佳造無過鄂文端其年月日時正得官印財身四祿然動名皆自學問來正不必以福命論

朱侯之璉字商玉以明簡王後入旗其題西廬老人仿黃子久畫冊云愛茲臨水處疏柳小橋橫寺古溪雲積峰低野樹平萬花藏谷暗一鳥破山晴塵境居然淡幾能悟此生所居曰雅暢堂

德州李鳳洲庶常徵臨紫瀾司寇濤子學于竹垞之甥周象易八分書得竹垞神髓癸卯成進士因母譚持家政不能就養京師爲嫁女詞以寄意卒之元旦筮得臨

之八其繇曰至于八月有凶偶感時症遂捐館計官翰林僅八月耳盧雅雨稱臨清徐敬庵精于數學嘗爲司寇占鄉試繇詞內隱年角二八字榜發果中解元又爲占會試繇詞云名居滄海之間榜發則前一名滄州人後一名海寧人又爲鳳洲占鄉試繇詞云五月榴花照眼明是年加科以四月鄉試榜發聞捷榴花正放其奇中如此滄海之句在數月前已見全榜充足異也

安居王瑟齋中丞得詩法於吾鄉高文良公然文良雅尙中晚瑟齋則宗盛唐同時若許子遜黃莘田黃唐堂沈子大錢香樹皆與倡和退食餘暇手一編自課官轍

所至輒闢精舍偕賓佐觴詠其中督糧江安曰塔影樓
爲廣東潘臬曰葵亭撫閩中曰瞻臺常與子遜及沈沃
田論詩聽事索筆硯不及卽推子遜上坐而自西向旁
坐濡案上丹筆掀髯吟賞在閩訪莘田于陋巷中屏騶
從步入莘田閒至留飲月上攜手送之愛少陵昌黎義
山三家詩手自箋注丹碧斑然少時讀書地曰樓山因
以自名其集子汝璧從沃田受業與兄士會刻苦趾美
以乾隆丙戌成進士所謂鎮之中丞也爲錢文端女夫
有讀書長水圖壬子癸丑閒與程魚門陳伯思沈南樓
周書昌景澱江任幼植錢南園鄭秋浦同客京師作九

客圖姚夢穀爲作九客圖歌有中丞貴矣而能貧之句
文筆弓裘亦殊不易得也中丞裔孫孝禹副使嘗以王
氏家集見貽

樓山中丞有宦蹟圖十二幅曰出峽曰入棧曰桃花源

雍正二年奉使
赴黔道經此

曰飛雲巖曰秦駐山觀海

雍正乙巳
巡視海塘曰

黃鶴樓

戊申督
糧楚北

曰秋夜讀書

已酉解湖北
任假館需代

曰淇水積雪

己酉冬自湖北
入都道經此

曰觀農

壬子春督
糧江安

曰瑟齋

臨川作銘曰
唐堂作記

塔影樓

江安官舍有樓報恩寺塔
當其前北牖可瞰鍾山

曰龍潭觀海

癸丑正
月督運

至臨清
道經此

甲辰會試分校易二房得諸城劉文正公是科

春典黔試秋復分校也翁潭溪題詩有卻金使節下江

東歎息朱公與鄂公之句朱謂高安鄂謂西林黃莘田
題其笠屐圖遺照云誰是征南思舊客秋風秋雨沈東
陽謂沈學子也

吳縣楊文叔繩武爲維斗先生孫康熙癸巳進士官編
修秉志節通經術有古柏軒集王西莊呈文叔先生詩
談經伉伉斗杓迴湖海耆英解愛才獻賦早簪東觀筆
辭榮重翦北山萊通門孔李懷先澤往事龍蛇話劫灰
擬學侯芭勤載酒高文一一校讐來西莊伯祖榮與維
斗同鄉薦也文叔古桂歌云剡紅亭前數弓地朱闌曲
檻相回旋石牀棐几自瀟灑雜卉竹木皆清妍中有古

桂不知始于何人植何年剡紅亭者朱氏園林距虎邱
三里而近有古桂一株其枝四面紛披而下其中可列
坐數十人竹垞取平泉山居草木記有剡溪之紅桂語
以名其軒戴曷甫爲之記花時吟賞投贈之作園主人
朱異天標編爲剡紅書屋集

雍正壬子且園司寇待詔福園 高宗於潛邸賜以鐵
嶺老人指頭畫虎詩且園嘗有句云洗盡聰明報藥恩
意極雋永

洪嘉植字秋士號去蕪歙人居儀真秦淮竹枝詞云桃
葉桃根渡口歸荷花盪槳錦鴛飛垂楊夾道珠簾下十

五女兒白紵衣江士相稱其工五言未之見也施鐵如
謂自乾隆甲戌渡江旋里考獻徵文先賢撰集搜閱殆
徧若黃公獻蔣子雲李季鮮諸公之作鮮當意者一日
於沙根雲書齋得觀先生所爲古文及五言古詩各一
冊根本盛大其魄力氣象如華嶽三峰削成斗絕又如
星宿百沚奔流到海旣聞先生之子某藏有全集鈔本
亟寓書其族孫達夫謀諸其族有力者校錄刊行達夫
漫應之而已亡何達夫死先生之子亦死自是遺藁散
佚後生小子罕能舉其名氏云云鐵如贈達夫詩有云
君不見去蕪先生豪傑流身歷四海輕王侯白楊悲風

骨已朽聲名黯淡埋荒邱其傾倒者至矣

李杜詩多直用聖人諱習爲固然張月槎作諱說議其不敬云古者不獨避君父諱下至交游戚黨亦有入門問諱之禮晉人有不避諱反以諱爲戲者傷禮甚矣戲先帝諱不忠戲人父諱不孝有子曰泰山之於邱垤子貢曰他人之賢者邱陵也孟子曰爲高必因邱陵有臨文不諱之意後世遇聖名則別音曰某如劉琨曰西狩涕孔邱王績曰詩書傳孔邱韓愈曰柄用儒術崇邱軻王維曰黃帝孔邱何處問不可爲訓其說甚正宋王逸老草書千文垣紈丸垢字不斥言於逮事之君雖嫌名

猶諱之張文襄謂朱槩本書宋人碑帖墨蹟於國諱字
多不畫一官私槩本又各不同大率近代加詳遠廟從
略惟始祖太祖無不諱者今人乃有謂古者不諱周人
乃有諱義然皆施於死者致其思敬故曰卒哭乃諱後
世誤諱生者之名云云然則子於父前臣於君前卽生
存亦豈可直斥其名古者必不如是以是言禮又月槎
所不及料矣

汪東山詩仙李蟠根天上栽玄元皇帝廟崔嵬神仙不
作兒孫計一任張巡慟哭來措語極妙月槎雍正中守
洛陽其修上清宮記謂郡史傳其地爲老子修煉故處

其說爲無徵唐之世奉爲已所出而祖之尤誕妄不足
信老氏之學律以中庸之義殆孔子所謂賢知之過雖
然入周問禮孔子亦禮事之成周故壤尤兩聖人聚而
言禮之地上海宮建在北邙山麓固其宜也自是正論
呂坦庵題老子臺詩有曰總爲觀周日猶龍一語傳月
槎詩特養聖胎年八十爲存周室禮三千吾師柱史勞
相問不比函關啟太玄皆謂老子當以孔子重意極正
大若杜工部謁廟一詩本朝人寫本朝事正自宜爾唐
代崇奉之過可於言外得之華陽沈南村孝廉曾燭詠
老子一聯云神仙幾見稱皇帝弟子曾傳有聖人李西

漚爲之撫几擊節用意略同

陳未齋宮詹灘行棹歌詞云石門東來水平田石門西
去峰插天百丈風濤似關鎖何曾留得阿郎船奇絕都
從險絕生森森玉立礙舟行癡翁但學米顛拜雪浪如
山心不驚其跋趙文敏書張文潛送秦少章序卷云東
坡言書至魯公文至退之詩至子美一出之後前人皆
廢楊少師蔡蘇黃米皆以顏爲師者也惟趙承旨獨師
右軍而能自闢門徑邢子愿謂其直接東晉風流殆非
虛語余雖未嘗學趙書然每見真蹟必手臨數過云云
成哲親王謂康熙閒華亭派盛百餘年來無學趙者此

可見當時風氣

陽湖潘敏惠精形家言所至于水道多議疏鑿乾隆七年由粵臬遷浙藩疏言餘杭之南湖會稽之鑑湖上虞之夏蓋湖餘姚之汝仇湖慈溪之慈湖向稱巨浸今已彌望田疇一經報墾濫準陞科勢處低窪並將舊隄閘私行損害嗣後報陞田地如無礙水利方準升科如枯湖爲田卽剷除禁止撫皖時以鳳潁泗災疏陳鳳潁地分三等灣地連大河水發難施人力湖地則外仰中低積潦爲湖下流若濬渠疏洩卽可涸出栽種岡地水雖不及而絕少溝池交秋缺雨卽苦暵乾閒有傍山麓爲

陂塘蓄水灌田者如壽州之安豐塘懷遠之郭陂塘鳳陽之六塘均應及時修築福州城外西湖爲東晉郡守嚴高所開周廿餘里建閘蓄水溉田數萬畝歲久淤墊撫閩日相度勸導築隄千三百餘丈建閘二水勢深通足資蓄洩福清所轄之郎官港法海埔俱有海灘淤地招墾築隄可得地千餘畝黃莘田呈潘補堂中丞詩所謂賓客芙蓉分講席

謂沈學子

山川疆理相流泉者也其出游西湖二十首云杖藜去踏城西路一碧空明浸遠天

四十年來無此景故應日日上湖船濃黛初開乍霽天一航衝散過湖煙帶來玉女峰頭葉銀鹿當風煮謝泉